



Kesyon Repetitif Sou Kontradiksyon nan Non/Nimewo Sekirite Sosyal

1. **Pou kisa mwen resevwa yon lèt kontradiksyon Administrasyon Sekirite Sosyal?**

Yo voye lèt kontradiksyon SSA yo lè gen yon diferans ant enfòmasyon yon patwon bay SSA sou yon anplwaye ak enfòmasyon anplwaye a ki nan dosye SSA. Kèk kòz komen kontradiksyon SSA yo se erè nan fason non an ekri, chanjman non, erè patwon yo fè lè y ap antre done yo, oswa move itilizasyon nimewo Sekirite Sosyal yo. Yon lèt kontradiksyon sèlman PA yon deklarasyon sou sitwayènte ameriken, kondisyon imigrasyon, oswa kalifikasyon yon anplwaye pou travay nan Etazini.

2. **Mwen te resevwa yon lèt kontradiksyon SSA—kisa pou mwen fè?**

Si ou gen otorizasyon pou travay, epi ou te resevwa yon lèt kontradiksyon SSA, ou ta dwe konpare enfòmasyon ou ki nan lèt la avèk sa ki ekri nan kat Sekirite Sosyal ou.

- Si enfòmasyon ki nan lèt la PA MENM AVÈK enfòmasyon ki nan kat Sekirite Sosyal ou, ranpli fòm ou jwenn ki vini avèk lèt la, epi voye li pa lapòs ba SSA imedyatman ou kapab fè sa.
- Si tout enfòmasyon ki nan lèt la SE MENM avèk sa ki endike nan kat Sekirite Sosyal ou, ale nan biwo Sekirite Sosyal zòn ou imedyatman ou kapab pou wè pou kisa te gen kontradiksyon nan enfòmasyon yo.

3. **Èske tout lèt kontradiksyon yo sòti nan SSA?**

Non. Lèt kontradiksyon yo ka sòti nan lòt ajans gouvènman oswa nan biznis prive, tankou konpayi asirans sante, ak konpayi ki tcheke dosye kriminel.

4. **Patwon mwen te resevwa yon lèt kontradiksyon ki sòti nan yon sous ki pa SSA—kisa pou mwen fè?**

Si ou gen otorizasyon pou travay epi patwon ou te resevwa yon avi kontradiksyon ki sòti nan yon lòt ajans oswa yon konpayi, tankou yon konpayi asirans sante, ou ta dwe mande yon kopi avi kontradiksyon an, epitou ou ta dwe:

- Kontakte ajans/konpayi an pou wè si li te soumèt enfòmasyon kòrèk ou yo bay SSA.
- Si ajans/konpayi an te soumèt enfòmasyon ki kòrèk, ale nan biwo Sekirite Sosyal zòn ou pou wè pou kisa te gen yon avi kontradiksyon.

5. **Ki dwa mwen genyen si mwen resevwa yon lèt kontradiksyon?**

Patwon ou pa ta dwe pran okenn mezi kont ou (tankou revoke ou, sispann ou nan travay la, oswa bese grad ou nan travay la, oswa refize peye ou, refize mete ou nan orè pou travay, oswa refize ba ou fòmasyon) akòz enfòmasyon ki gen kontradiksyon yo sèlman. Patwon ou pa ta dwe mande ou plis dokiman, oswa li pa ta dwe egzije ou pou ranpli yon nouvo Fòm I-9, akòz yon avi kontradiksyon. Si patwon ou fè nenpòt nan aksyon sa yo, ou ta dwe kontakte biwo nou gratis **nan nimewo 1-800-255-7688**.

6. **Anplis ban mwen enfòmasyon sou avi kontradiksyon mwen, ki lòt bagay mwen ta dwe espere patwon mwen ap fè?**

Si ou gen otorizasyon pou travay, men ou gen yon pwoblèm kontradiksyon, men sa ou ta dwe espere patwon ou ap fè:

- Yon peryòd tan rezonab pou rezoud pwoblèm kontradiksyon an.
- Tretman egalego nan repons pou avi kontradiksyon an, kèlkeswa kondisyon sitwayènte ou oswa peyi kote ou sòti.
- Posiblite pou kontinye travay pandan w ap rezoud pwoblèm kontradiksyon an.
- Diskisyon chak peryòd tan avèk patwon ou sou si ou te rezoud pwoblèm kontradiksyon an.

7. **Ki kote mwen kapab jwenn enfòmasyon sou kontradiksyon yo?**

Administrasyon Sekirite Sosyal gen repons pou kesyon repetitif yo sou lèt kontradiksyon yo nan Entènèt sou sitwèb http://ssa-custhelp.ssa.gov/app/answers/detail/a_id/1127 ak http://ssa-custhelp.ssa.gov/app/answers/detail/a_id/2199/kw/2199. Pou kesyon oswa pou jwenn èd sou fason pou bay repons pou lèt kontradiksyon yo oswa pou avi sanblab, rele biwo nou gratis nan nimewo 1-800-255-7688, oswa ale sou Entènèt nan sitwèb <http://www.justice.gov/crt/about/osc/pdf/publications/SSAFAQs.pdf>.



“Kontradiksyon” nan Non ak Nimewo Sekirite Sosyal (SSN) Enfòmasyon pou Anplwaye yo

SA OU TA DWE FÈ:

- Kontradiksyon nan Non/Nimewo Sekirite Sosyal kapab sòti nan Administrasyon Sekirite Sosyal (SSA), lòt ajans gouvènman oswa konpayi prive.
- Si oumenm oswa patwon ou resevwa yon lèt kontradiksyon ki sòti nan SSA, lèt la ap gen ladan eksplikasyon sou sa pou fè.
- Si oumenm oswa patwon ou resevwa yon avi kontradiksyon ki sòti nan lòt ajans gouvènman oswa nan konpayi prive, ou ta dwe tcheke enfòmasyon ajans lan oswa konpayi an te bay nan SSA. Si enfòmasyon yo kòrèk, kontakte SSA pou wè pou kisa te gen avi kontradiksyon an.
- Enfòmasyon ki pa kòrèk oswa ki pa egziste ankò kapab lakòz ou resevwa avi kontradiksyon nan non/SSN.
- Ou gen responsablite pou fè chanjman nan dosye ou avèk SSA imedyatman ou kapab apre ou vin yon sitwayen ameriken, oswa apre ou chanje non ou akòz maryaj, divòs, oswa nenpòt lòt rezon.
- Patwon ou ka mande ou sa ou te fè pou eseye rezoud yon kontradiksyon.

OU TA DWE MANDE PATWON OU:

- Enfòmasyon ekri ki eksplike kontradiksyon an.
- Pou tcheke si patwon ou gen non ak SSN kòrèk ou nan dosye li yo.
- Pou kontinye travay pandan w ap rezoud kontradiksyon ou.
- Ase tan pou rasanble dokiman yo, epi pou rezoud kontradiksyon an.
- Pou jwenn menm tretman ak lòt anplwaye yo, kèlkeswa kondisyon sitwayènte ou oswa peyi kote ou sòti, lè w ap rezoud kontradiksyon ou.

OU TA DWE RELE LIY DIRÈK OSC NAN NIMEWO 1-800-255-7688 SI PATWON OU:

- Mande pou ranpli yon nouvo Fòm I-9 akòz avi kontradiksyon an sèlman anvan li ba ou yon peryòd tan rezonab pou korije kontradiksyon an.
- Pa kite ou travay oswa diminye nan peman/orè ou akòz kontradiksyon an sèlman.
- Pa ba ou yon tan rezonab pou rezoud kontradiksyon an.
- Swiv pwosedi diferan pou kontradiksyon an pou anplwaye yo dapre peyi kote yo sòti oswa kondisyon sitwayènte yo.
- Egzije ou pou bay yon dokiman SSA oswa yon dokiman nenpòt lòt gouvènman akòz kontradiksyon an.